



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 87. Frustranei conatus de pace cum Turcis ineunda.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

Sæcul. XVI. fortunam, meliore forte dignus obit,
 A. C. 1599. ut mox retulimus.

§. LXXXVII.

*Frustranei conatus de pace cum Turcis
 ineunda.*

Mansor Hist.
Venet. l. 15.
Spond. hoc
anno n. 5.
Thuan. l.
122. Petrus
Reva. de co-
ron. Hung.
cent. 6.

Cum erepta Bathoriis Transylvania
 Georgius Basta Cæsarei exercitus
 Bellidux Michaellem Valachia Voivodam
 ob literas ad Temesvariensem Ba-
 flam datas de turcica societate suspi-
 ctum haberet, eum e Transylvania cede-
 re coegit, illumque ob suam erga Hun-
 garia Proceres crudelitatem omnibus
 infensum prope Viceburgum, ubi castra
 metabatur, aggressus profligavit, at-
 que in fugam egit: ex mutuis vero hisce
 Christianorum dissidiis Turcæ, ut ipsis
 solenne est, majora rerum suarum in-
 crementa parare satagebant, quippe
 captata exinde occasione Tartaros Præ-
 copientes, quibus fœdere juncti erant,
 incitarunt, ut prædabundi Hungariam
 invaderent: hi ergo ad turcici Impera-
 toris mandata haud segnes christianæ di-
 tionis pagos ferro, flammaque depopu-
 labantur, ingentique pecorum copia ubi-
 que abacta quamplurimos Christianos
 nec ætatis, nec sexus, neque condi-
 tionis habita ratione in miseram capti-
 vitatem abstrahabant, & florentissimum
 nec non fertilissimum solum tam fœde
 devastarunt.

devastabant, ut nec posteriori tempore ad pristinam fertilitatem revocari posset, unde enatum est proverbium, quod *herba, quam semel ungulae equorum turcicorum tetigissent, nunquam postea reflorescat*: ut vero Turcarum Imperator præclaræ felicitatis cursum, ac heroicis Rudolphi Cæsaris conatus præpediret, ac parando bello tempus lucraretur, suos Bassas, nec non Chanum Tartariæ Principem subornabat, ut simulato pacis ineundæ studio Christianos distineret, quem in finem venerunt primo in quamdam Danubii insulam Budam inter, & Strigonium sitam Strigoniensis Archiepiscopus, Palfius, Nadaftius, & Pelzius a Cæsare missi, Murates vero Tartarorum Principis Bellidux, & Achmetes Aga a Turcis illinc ablegati fuere, qui omnia loca, etiam Strigonium, sibi reddi postulabant, ejusque loco Agriam offerebant; verum hac conditione rejecta, cum interea Tartari ab excursionibus minime cessarent, prodita eorum fraude Turcarum Oratores re infecta dimissi sunt: porro interea Tartari continuata rabie Tolnam oppidum comburunt, civibusque interemptis, fæminisque, ac imuberibus captis usque ad Album-montem, ceterasque montanas urbes, totamque regionem cis Danubium rabida velocitate emetiebantur, abs dubio at-

Sæcul. XVI.
A.C. 1599.

Sæcul XVI.
A. C. 1599.

rociora tentaturi . nisi Nicolaus Palfius cum copioso milite accurrens unacum præda captivos omnes recuperasset, ubi etiam Vaccienfes, & Strigonienfes Præfidiarii Turcas, Tartarosque ingenti clade affecerunt, prosperoque successu erecti Valin arcem occuparunt : insuper Hungari ex Budensium gregibus die vigesima octava Martii ingentem copiam abegerunt, atque octava Aprilis cæturæ Turcarum quamplurimis Canisam, unde pabulatum egrediebantur, præda onusti rediere, die autem decima octava ejusdem Mensis Adolphus Schwartenburgicus unacum Nicolao Palfio, & Nadasstio Budam, Albamque regalem expugnare moliebantur : attamen ab exploratoribus intempestive proditi nonnulli incensis suburbiis, captisque viginti navibus retrocedere cogebantur : nihilominus ipsum hujus classis Præfectum captum abstraherant, cumque Hungari, quos Heiduccos appellant, comperissent, quod hic eorum socios antea captos insolitis excruciasset suppliciis, hanc crudelitatem ulturi Bassam ad palum alligarunt, atque excussis omnibus dentibus, barbæque capillis sigillatim evulsis, & postremo membris omnibus confractis interemerunt, atque animosiores facti turcicam classem, quam die vigesima Junii ad paludosum quemdam locum

locum in anchoris hærere compererant, Sæcul XVI.
A.C.1599.
 toto impetu adoriuntur, ac quinquaginta duas naves tritico, pecunia, aliisque rebus onustas partim aquis submergunt, & partim captas abstrahunt. Cæsi fuerunt ex Palsii militibus ferme duo millia, Turcarum autem periire plusquam sex millia, Christianorum quadringentis, & amplius in libertatem assertis: hoc autem successu elati Cæsarei ad Formarum castellum copias admovent, sed non sine suorum clade ibi obsidionem solvere compulsi ductore Paulo Niaro Vareduni Præfecto Zarcadam expugnant, præfidiariis qua captis, qua cæsis: postea Schwarzenburgus denuo Budam, Pestumque ineunte Mense Augusto aggressus est, haud alio conatus successu, quam quod Budensem Bassam captum abduceret, ipse vero in Pestensi obsidione graviter sauciaretur. Interea Tartari prope Strigonium plusquam octo Christianorum millibus in captivitatem abstractis superiorem, qua late patet, Hungariam depopulabantur, nihilominus Turcæ rursus de pace agere cœperunt, ac Serdeoes apud Otthomanos maximæ auctoritatis Bellidux, qui cum ingenti exercitu Strigonium invasurus credebatur, se veluti novum Oratorem a Turcarum Imperatore missum simulat, atque ad Palsium perscribit, significans,

H h 4

quod

Sæc. XVI.
A.C. 1599.

quod scire vellet, quæ demum pacis spes esset; nam si eam christiani respicerent, exercitum numero, potentia, & alacritate formidandum paratum esse scirent. Ad hæc Palsius respondit, Christianos a pacis consilio haud alienos esse, petere tamen, ut Turcæ omnes captivos redderent, & Tartari ab excursionibus abstinere: cum vero Sædeos frivolis excusationibus tempus industria terere intentus esset, tam Christiani, quam Turcæ mutua clade, ac alternante fortuna decertabant. Hoc item anno quidam turca ex Hispania Boetica Constantinopolim profugus Ottomanis Proceribus persuadere nitentur, ut Mauros ab Hispanorum jugo liberare aggredierentur, ipsoque Christi Domini sepulcro Christianis adempto Franciscanos ex Palæstina eiicerent, si vero si facere recusarent, eos nunquam de Christianis victoriam reportaturos dicebat, cum propterea Rudolpho Cæsari secunda adspiraret fortuna, eo quod crebra Donaria ad hunc locum submitteret. Hoc comperto Mahometes Tatarum Imperator mox sacra dona auferri, ac sancti Francisci alumnos expelli iussit, reclamantibus tamen Regis Franciæ, & Venetæ Reipublicæ Oratoribus suum mandatum revocavit.

§. LXXXVIII.